

Rhifyn Chwech
AWST 2022



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

CIPOLWG AR Y BWRDD



Croeso i Gipolwg ar y Bwrdd, fel aelodau Bwrdd yr Awdurdod Iechyd Arbennig, rydym i gyd yn teimlo ei bod yn bwysig eich diweddaru am rywfaint o'r gwaith rydym yn ei wneud ar draws y sefydliad ac yn GIG Cymru.

Daw'r rhifyn hwn gan **Rowan Gardner**, ein Haelod Annibynnol.

Annwyl gyfeillion/ Dear colleagues,

Mae'r Bwrdd wedi bod yn weithgar iawn ers rhifyn diwethaf Cipolwg ar y Bwrdd gan Helen Thomas, ein Prif Swyddog Gweithredol, ym mis Mehefin, ac mae'n bleser cael cyfle i rannu diweddariad gyda phawb.

Oherwydd ymrwymadau eraill, bu'n rhaid i mi wyllo Sesiwn Datblygu'r Bwrdd ar recordiad Teams gan fy mod i yn San Steffan yn trafod data iechyd a pholisi a strategaeth

economaidd biowyddoniaeth. Wrth i mi wrando ar y sesiwn, sylweddolais fy mod wedi colli trafodaeth ragorol ar ddatblygu cynnyrch a heriau a chyfleoedd integreiddio.

Ar ôl gweithio ar-lein, roedd yn bleser ymweld â Phencadlys Iechyd a Gofal Digidol Cymru (DHCW) yng Nghaerdydd ar gyfer Sesiwn Ymgysylltu â'r Bwrdd gyda thîm y Ddesg Wasanaeth.

Cafodd Simon Jones, y Cadeirydd a minnau gyflwyniad gwych yn disgrifio cylch gwaith, cyfrifoldebau a heriau gweithredu'r Ddesg Wasanaeth gan Tracy Norris, Bryan Thomas a Vicki Latham ac roeddem yn gallu gwrandao ar rai galwadau cymorth. Mwynheais ein trafodaeth fywiog yn fawr iawn yn enwedig am yr her o recriwtio a chadw staff yn yr adran. Cefais fy mhlesio'n fawr gan wybodaeth, ymrwymiad, a phroffesiynoldeb pawb y cyfarfûm â nhw.

Yn y [Pwyllgor Llywodraethu a Diogelwch Digidol](#) diweddaraf cawsom sicrwydd ynghylch gweithgarwch Llywodraethu Gwybodaeth, Gwybodeg a Gwasanaethau Gwybodaeth. Hysbyswyd y Pwyllgor fod achrediad ISO 27001 wedi'i ymestyn i gynnwys holl weithrediadau DHCW. Mae hwn yn ddatblygiad cadarnhaol iawn i'n sefydliad ac mae'n adlewyrchu'r gwaith sylweddol sy'n cael ei wneud.

Fel y gwyddoch, mae seiberddiogelwch yn hanfodol i weithrediadau DHCW, a thrafodir yr holl faterion Seiberddiogelwch mewn sesiwn breifat. Fodd bynnag, gallaf rannu fy mod yn falch iawn o weld nad oedd neb wedi cofnodi gwybodaeth yn ymgyrch e-bost Gwe-rwydo mis Mehefin. Da iawn bawb – cawsoch eich cymeradwyo gennyf yn y cyfarfod.

Rwyf wedi gofyn i ni gynyddu lefel y “cyfrwyster” mewn ymgyrchoedd yn y dyfodol i brofi sgil gwella'r sefydliad. Mae seiberddiogelwch yn waith i bawb, ac mae'r seiberdroseddwy'r trefnedig yn ymosod ar sefydliadau iechyd oherwydd y data rydyn ni'n eu prosesu ac yn datblygu triciau newydd i'n twyllo. Felly byddwch yn wiliadwus bob amser. Cofiwch, os byddwch yn agor neu'n clicio ar e-bost neu neges destun ac yna'n sylweddoli y gallai fod yn amheus – **RHOWCH WYBOD AR UNWAITH.**

Roedd Stori Gwrandao a Dysgu Cyfarfod Bwrdd Awdurdod Iechyd Arbennig (SHA) Gorffennaf yn gyfle i glywed gan y Gwasanaethau Sgrinio ac roedd yn ymdrin â dwy fenter i wneud diagnosis o gyflyrau sy'n rhoi bywyd yn y fantol y gellir eu trin os cânt eu canfod yn gynnar. Roedd yn hynod ddiddorol clywed bod profiad COVID-19 wedi gwella parodrwydd pobl i brofi eu hunain gartref, sy'n golygu bod y niferoedd sy'n sgrinio am ganser y coluddyn wedi cynyddu. Clywsom hefyd ganfyddiadau'r tasglu recriwtio a'u hargymhellion i yrru recriwtio yn DHCW yn ei flaen. Gallwch [wylïo'r recordiad o'r cyfarfod ar ein gwefan yma.](#)

Ar yr un diwrnod â chyfarfod y Bwrdd, cynhaliwyd ein Cyfarfod Cyffredinol Blynnyddol Cyntaf - Gallwch [wylïo recordïad y Cyfarfod Cyffredinol Blynnyddol ar ein gwefan yma.](#)

Mae'r Cyfarfod Cyffredinol Blynnyddol yn garreg filltir ac yn gyfle i ni gyd fyfyrïo ar yr hyn yr ydym wedi'i gyflawni gyda'n gilydd ac adrodd i fforwm cyhoeddus a gwahodd cwestiynau uniongyrchol gan y rhai sydd â diddordeb yn yr hyn rydym yn ei wneud a'n hariannu fel trethdalwyr.

Cyfarfu Rhwydwaith Digidol Aelodau Annibynnol Cymru Gyfan hefyd dan gadeiryddiaeth David Selway ym mis Gorffennaf 2022. Mae'r Rhwydwaith yn profi i fod yn gymuned ymgysylltiedig sy'n awyddus i ddysgu o brofiad ei gilydd a rhannu arferion gorau bwrdd. Cawsom gyflwyniad ardderchog ar y Portffolio Trawsnewid Gweinyddu Meddyginiaethau'n Ddigidol a chadeiriodd David y drafodaeth fywiog a ddilynodd yn fedrus iawn.

Gwnaethom fyfyrïo ar sut roedd y fforwm yn darparu gwerth i gymuned ddigidol Aelodau Annibynnol yng Nghymru a sut yr oedd wedi gwella dealltwriaeth o'r blaenoriaethau a'r gweithgareddau cyffredin ar draws y sefydliadau sy'n cymryd rhan.

Gobeithiwn y cewch haf hyfryd, ac edrychwn ymlaen at gyfarfod nesaf y Bwrdd a pharhau â'n gwaith yn 2022.

Rowan Gardner
Independent Member

